

საქართველოს რეგიონული განვითარებისა და ინფრასტრუქტურის სამინისტრო



საქართველოს რეგიონული განვითარებისა და
ინფრასტრუქტურის სამინისტროს ბალანსზე
რიცხულ ავტოსატრანსპორტო საშუალებათა
რეცხვის მომსახურების შესყიდვა
(CPV-50100000, CPV-50112300)

გამარტივებული ელექტრონული ტენდერის სატენდერო
დოკუმენტაცია

ქ. თბილისი
2013 წელი

სარჩევი

1. ინსტრუქცია ტენდერში მონაწილეობის-----	3
2. ტექნიკური დოკუმენტაცია-----	4
3. სახელმწიფო შესყიდვის შესახებ ხელშეკრულების პროექტი-----	7
4. დამატებითი ინფორმაცია-----	10
5. დანართი №1-----	11
6. დანართი №2-----	12
7. დანართი №3, აფიდავიტის საილუსტრაციო ფორმა-----	13

1. ინსტრუქცია ტენდერში მონაწილეობისათვის

- 1.1. გამარტივებულ ელექტრონულ ტენდერში მონაწილეობისათვის – იხილეთ ვებ-გვერდზე procurement.gov.ge:
 - ა) “სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო”;
 - ბ) სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანება “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ”.
- 1.2. სატენდერო დოკუმენტაცია არ შეიცავს პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენის მოთხოვნას.
- 1.3. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში (დანართი №3), სატენდერო წინადადების წარმოდგენამდე.
- 1.4. ერთიან ელექტრონულ სისტემაში ასატვირთი ყველა დოკუმენტი ბეჭედდასმული და ხელმოწერილი უნდა იყოს უფლებამოსილი პირის მიერ.
- 1.5. გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ფასების გაანგარიშება ვაჭრობის შედეგად დაფიქსირებული საბოლოო ფასზე (პირველი შემოთავაზების შემდეგ ფასის შეცვლის შემთხვევაში), რომელიც წარმოადგენს ხელშეკრულების განუყოფელ ნაწილს.

2. ტექნიკური დოკუმენტაცია

2.1. საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა ტექნიკური დოკუმენტაციით, სახელმწიფო შესყიდვების ერთიანი ელექტრონული სისტემის მეშვეობით უნდა წარმოადგინოს შემდეგი დოკუმენტები:

2.1.1. როგორც იურიდიული ასევე ფიზიკური პირებისათვის:

ა) პრეტენდენტმა ტექნიკურ დოკუმენტაციასთან ერთად უნდა წარმოადგინოს ინფორმაცია მის სარგებლობაში არსებული ავტოსამრეცხაოების ქსელის შესახებ.

ბ) პრეტენდენტმა უნდა წარმოადგინოს რეკვიზიტები დანართი №1-ის მიხედვით, ფასების ცხრილი (ხარჯთაღრიცხვა) დანართი №2-ის მიხედვით.

გ) ინფორმაცია შესყიდვაში მონაწილეობის მსურველი პირის მიერ, უკანასკნელი 2 (ორი) და მიმდინარე წლის (2011-2012-2013 წლები) განმავლობაში ავტომანქანების რეცხვის მომსახურების გაწევის გამოცდილების შესახებ.

შესყიდვაში მონაწილეობის მსურველ პირს უკანასკნელი 2 (ორი) და მიმდინარე წლის (2011-2012-2013 წლები) განმავლობაში უნდა გააჩნდეს ანალოგიური მომსახურების გაწევის არანაკლებ ორ წლიანი უწყვეტი გამოცდილება.

შესყიდვაში მონაწილეობის მსურველმა პირმა უნდა წარმოადგინოს უკანასკნელი 2 (ორი) და მიმდინარე წლის (2011-2012-2013 წლები) განმავლობაში ავტომანქანების რეცხვის მომსახურების გაწევაზე გაფორმებული ხელშეკრულებების შესახებ ინფორმაცია.

ინფორმაცია წარმოდგენილი უნდა იქნას ქვემოთ მოცემული ცხრილის შესაბამისად.

№	მომსახურების დასახელება	შემსყიდველის დასახელება	ხელშეკრულების ღირებულება	ხელშეკრულების განხორციელების ვადები
1				
2				
და ა.შ.				

საჭიროების შემთხვევაში, პრეტენდენტი ვალდებულია, შემსყიდველის მოთხოვნის შესაბამისად წარმოადგინოს აღნიშნული ინფორმაციის დამადასტურებელი დოკუმენტაცია.

2.2. სატენდერო წინადადების ფასი:

2.2.1. სატენდერო წინადადების ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.2.2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში.

2.3. ანგარიშსწორების პირობები:

2.3.1. ანგარიშსწორება მოხდება უნაღლო ანგარიშსწორებით ლარში.

2.3.2. ანგარიშსწორება მოხდება ფაქტიურად გაწეული მომსახურების შესაბამისად, მიღება-ჩაბარების აქტის გაფორმებიდან არაუგვიანეს 14 კალენდარული დღის განმავლობაში.

2.3.3. წინასწარი ანგარიშსწორება (ავანსი) არ გამოიყენება.

2.4. შესყიდვის ობიექტის ტექნიკური დავალება:

გასაწევი მომსახურება მოიცავს საქართველოს რეგიონული განვითარებისა და ინფრასტრუქტურის სამინისტროს ბალანსზე რიცხული სედანის ტიპის მსუბუქი ავტომანქანების გარეგანი, ასევე შიდა – სალონისა და საბარგულის რეცხვა/გასუფთავების მომსახურების გაწევას.

შესყიდვის სავარაუდო ღირებულება შეადგენს – 3 600.00

CPV კოდი – 50100000, 50112300

2.4.1. გასაწევი მომსახურების რაოდენობა – რეცხვის მომსახურება უნდა განხორციელდეს 360-ჯერ.

2.4.2. ავტომანქანების რეცხვა/გასუფთავების მომსახურება უნდა განხორციელდეს ტალღური სისტემის მეშვეობით.

2.4.3. მიმწოდებელმა რეცხვის ტალღების მიწოდება უნდა უზრუნველყოს შემსყიდველის მოთხოვნის შესაბამისად, მოთხოვნიდან 2 დღის ვადაში, მთლიანად ან ეტაპობრივად, ხელშეკრულების მოქმედების პერიოდში.

2.4.4. მიმწოდებელს უნდა გააჩნდეს ავტომანქანის ხარისხიანი რეცხვისთვის ყველა აუცილებელი საშუალება და პირობა (პერსონალისა და ინფრასტრუქტურის გათვალისწინებით).

2.4.5. ავტომანქანის რეცხვის მომსახურება მიმწოდებლის მიერ უნდა განხორციელდეს დაუყოვნებლივ, შესაბამისი ტალღის წარმოდგენისთანავე.

2.4.6. სავალდებულოა, რომ პრეტენდენტს საკუთრებაში/სარგებლობაში გააჩნდეს ავტოსამრეცხაოების ქსელი, როგორც თბილისში, ასევე საქართველოს ტერიტორიაზე.

2.5. გასაწევი მომსახურების ხარჯთაღრიცხვა:

2.5.1. პრეტენდენტმა უნდა წარმოადგინოს გასაწევი მომსახურების ხარჯთაღრიცხვა დანართი №2-ის მიხედვით.

2.5.2. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.6. მომსახურების გაწევის ვადები და ადგილი:

2.6.1. მომსახურების გაწევის სავალდებულო ვადაა ხელშეკრულების გაფორმებიდან 2013 წლის 31 დეკემბრის ჩათვლით, მომსახურების გაწევის ადგილია საქართველოს ტერიტორია, მიმწოდებლის საკუთრებაში/სარგებლობაში არსებული ავტოსამრეცხაოების ქსელის შესაბამისად.

2.7. პრეტენდენტის მიერ ერთიან ელექტრონულ სისტემაში ასატვირთი მონაცემები:

ა) პრეტენდენტის რეკვიზიტები დანართი №1-ის მიხედვით.

ბ) მომსახურების ხარჯთაღრიცხვა №2-ის მიხედვით.

გ) ინფორმაცია პროექტენდენტის საკუთრებაში/სარგებლობაში ავტოსამრეცხაოების ქსელის შესახებ (ამავე მუხლის 2.1.1 პუნქტის „ა“ ქვეპუნქტი).

დ) ინფორმაცია პროექტენდენტის მიერ, უკანასკნელი 2 (ორი) და მიმდინარე წლის (2011-2012-2013 წლები) განმავლობაში ავტომანქანების რეცხვის მომსახურების გაწევის უწყვეტი გამოცდილების შესახებ.

შენიშვნა: ერთიან ელექტრონულ სისტემაში ასატვირთი ყველა დოკუმენტი ბეჭედდასმული და ხელმოწერილი უნდა იყოს უფლებამოსილი პირის მიერ.

1. სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვის შესახებ

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

თბილისი

-----2013წ.

საქართველოს რეგიონული განვითარებისა და ინფრასტრუქტურის სამინისტრო, მინისტრის მოადგილის ----- სახით, შემდგომში – შემსყიდველი, ----- (მიმწოდებლის დასახელება და რეკვიზიტები), შემდგომში – მიმწოდებელი, მეორეს მხრივ, სახელმწიფო შესყიდვების შესახებ კანონისა და ----- (მიმწოდებლის დასახელება და რეკვიზიტები) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. ----- (ხელშეკრულებით გათვალისწინებული შესყიდვის ობიექტი განისაზღვრება სატენდერო დოკუმენტაციის, კერძოდ ტექნიკური დოკუმენტაციის 2.4. პუნქტში მოცემული ტექნიკური დავალების შესაბამისად, რომელიც შემდგომში თან დაერთვის ხელშეკრულებას და წარმოადგენს მის განუყოფელ ნაწილს) – შემდგომში მომსახურება.

მუხლი 2. ღირებულება და ანგარიშსწორების წესი

2.1. ხელშეკრულების მთლიანი და ჯამური ღირებულება საქართველოს კანონმდებლობით გათვალისწინებული გადასახადების ჩათვლით შეადგენს ----- (თანხა სიტყვიერად) ლარს.

2.2. მხარეები ანგარიშსწორებას ახორციელებენ ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.

2.3. შემსყიდველი ანგარიშსწორებას ახორციელებს მიმწოდებლის მიერ ფაქტიურად გაწეული მომსახურების ღირებულების მიღება-ჩაბარების აქტისა და ანგარიშ-ფაქტურის წარმოდგენიდან 14 კალენდარული დღის განმავლობაში. მიმწოდებელი უფლებამოსილია შემსყიდველს მოსთხოვოს გაწეულ მომსახურებაზე ანგარიშსწორება, მხოლოდ ამ ხელშეკრულების მე-4 მუხლით გათვალისწინებული შესაბამისი მიღება-ჩაბარების აქტის გაფორმების შემდგომ.

2.4. მხარეებს შორის ანგარიშსწორება მოხდება ფაქტიურად გაწეული მომსახურების შესაბამისად.

მუხლი 3. მომსახურების შესაბამისობა

3.1. ხელშეკრულების პირველი მუხლით გათვალისწინებული მომსახურება უნდა შეესაბამებოდეს ამ ხელშეკრულების პირობებს და მსგავსი მომსახურებისათვის უკვე არსებულ სტანდარტებს.

3.2. 3.1. პუნქტში აღნიშნული ნორმიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს გაწეული მომსახურება ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 4. მომსახურების მიღება-ჩაბარების წესი

4.1. მიმწოდებლის მიერ გაწეული მომსახურება მიღებულად ჩაითვლება მხოლოდ შესაბამისი მიღება-ჩაბარების აქტის გაფორმების შემდეგ.

4.2. ამ ხელშეკრულების ძალით გაწეული მომსახურების შემოწმებას და მიღება-ჩაბარებას ახორციელებს შემსყიდველი ორგანიზაციის შესაბამისი სტრუქტურული ერთეული ----- .

მუხლი 5. მხარეთა უფლება-მოვალეობანი

5.1. მიმწოდებელი ვალდებულია:

- ა) ხელშეკრულებით ნაკისრი ვალდებულებების შესრულება განახორციელოს ამ ხელშეკრულებით გათვალისწინებული ვადების შესაბამისად;
- ბ) მომსახურების გაწევის პროცესში იხელმძღვანელოს ამ ხელშეკრულების 3.1. პუნქტში გათვალისწინებული პირობით;
- გ) ხელშეკრულებით განსაზღვრული პირობების შესრულებისას საქმის კურსში ჩააყენოს შემსყიდველი ყველა განსაკუთრებული გარემოების შესახებ;

5.2. შემსყიდველი ვალდებულია:

- ა) შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით გათვალისწინებული ვადების შესაბამისად;
- ბ) მიმწოდებელთან ერთად აწარმოოს ინსპექტირება ხელშეკრულებით გათვალისწინებული პირობების შესრულების მიმდინარეობაზე.

მუხლი 6. ფორს-მაჟორი

6.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

მუხლი 7. პასუხისმგებლობა

7.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ყოველი დაგვიანებული დღისათვის შეუსრულებელი ვალდებულების ღირებულების 1% არაუგვიანეს 14 საბანკო დღეში და უზრუნველყოს დარღვევის დაუყოვნებლივ გამოსწორება.

მუხლი 8. ინსპექტირება

8.1. წინამდებარე ხელშეკრულებით გათვალისწინებული პირობების შესრულების ინსპექტირებას შესაბამის ადგილზე ახდენს შემსყიდველი ორგანიზაციის შესაბამისი სტრუქტურული ერთეული ----- .

8.2. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს გაწეული მომსახურების ხარისხის ინსპექტირება.

მუხლი 9. ხელშეკრულების შეწყვეტა

9.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

9.2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

9.3. ხელშეკრულების შეწყვეტის გაფორმება ხდება დანართი შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

9.4. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:

ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს)

ბ) მიმწოდებლის მიმართ მიმდინარეობს გაკოტრების საქმე. (მიუხედავად მისი დაწყების დროისა);

გ) მიმწოდებლის ქონებას დაედო ყადაღა;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;

მუხლი 10. სხვა პირობები

10.1. ხელშეკრულება ძალაში შედის მხარეთა მიერ ხელმოწერისთანავე და მოქმედებს -----.

10.2. ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

10.3. იმ შემთხვევაში, თუ ხელშეკრულებით ნაკისრი ვალდებულებების შესრულების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

10.4. წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10.5. მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შეთანხმება არ იქნება მიღწეული უთანხმოების წარმოშობიდან 30 დღის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად.

მუხლი 11. მხარეთა რეკვიზიტები და ხელმოწერები

შემსყიდველი:

ხელმოწერა _____

ბ.ა.

მიმწოდებელი:

ხელმოწერა _____

ბ.ა.

4. დამატებითი ინფორმაცია:

4.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სახელმწიფო შესყიდვების ერთიანი ელექტრონული სისტემის შესაბამისი კითხვა/პასუხის მოდულის მეშვეობით ან/და შემსყიდველი ორგანიზაციის სატენდერო კომისიის აპარატში. ქ. თბილისი, აღ. აზბეგის ქ. №12, მე-2 სართული. შაკონტაქტო პირი: მაია ქალაიშვილი. თელ: +995 32 251 07 15

რეკვიზიტები

პრეტენდენტის იურიდიული ფორმა და დასახელება:	
ხელმძღვანელის სახელი და გვარი:	
პრეტენდენტის იურიდიული ან/და ფაქტიური მისამართი:	
საიდენტიფიკაციო კოდი:	
პრეტენდენტის ტელეფონის ნომერი:	
ელექტრონული ფოსტის მისამართი:	
მომსახურე ბანკი:	
ბანკის კოდი:	
ანგარიშის ნომერი:	

პრეტენდენტი: -----

(ხელმოწერა)
ბ.ა.

ხარჯთაღრიცხვა

მომსახურების დასახელება	განზომილების ერთეული	რაოდენობა	ერთეულის ფასი (ლარი)	საერთო ფასი (ლარი)
სედანის ტიპის მსუბუქი ავტომობილების გარეგანი, ასევე შიდა – სალონისა და საბარგულის რეცხვა/გასუფთავება	ცალი	360		
სულ ჯამი:				

*) ფასები იანგარიშება საქართველოს კანონმდებლობით გათვალისწინებული გადასახადების ჩათვლით.

პრეტენდენტი: -----

(ხელმოწერა)

ბ.ა.

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მისაღებად, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- ❖ ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- ❖ უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
- ❖ ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ.
- ❖ ჩემთვის ცნობილია რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში.
- ❖ მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
- ❖ სატენდერო წინადადების ფასი;
- ❖ სატენდერო წინადადების ფასის გამოთვლის მეთოდი, კოეფიციენტი ან ფორმულა;
- ❖ სატენდერო წინადადების წარდგენა ან წარდგენისგან თავის შეკავება;
- ❖ ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს.
- ❖ შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება.
- ❖ სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.
- ❖ გავცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 1951 მუხლის შესაბამისად.